

昌黎先生詩集注卷第二



古詩二十九首



北極一首贈李觀



北極有羈羽南溟有沈鱗

嗣立補注莊子逍遙遊篇北溟有魚其名為鯢化而為鳥其名為鵬怒而飛其

翼若垂天之雲海運則將徙于南溟

川原浩浩隔影響兩無因風雲一朝會

變化成一身誰言道里遠

陶淵明詩不怨道里長

感激疾如神我年

二十五

云時貞元八年也歲在壬申按李漢集序公生于大曆之戊申三年自壬申逆數至戊申公時年二十五矣

求友味

其人哀歌西京市乃與夫子親所尚

一作向

苟同趨讀如趣賢

愚豈異倫方為金石姿萬世無緇磷無為兒女態惟

悴悲賤貧

此日足可惜一首贈張籍

嗣立補注唐書籍字文昌和州烏江人第進士愈薦為國子博士終國子司業為詩長于樂府多警句

此日足可惜此酒不足一作可嘗捨酒去相語共分一日

光念昔未知子孟君自南方自矜有所得言子有文

章我名屬相府公本傳董晉為宣武節度使表署觀察推官欲往不得行一作驥思之不

可見百端在中腸維時月魄死漢律歷志死魄朔也生魄望也冬日朝在

房禮記孟冬之月日在房驅馳公事退聞子適及城一作牆命車載之至

引坐於中堂開懷聽其說往往副所望音亡孔丘歿已

遠仁義路久荒紛紛百家起詭怪相披猖長老守所

聞後生習為常少知誠難得純粹古一作固已亡譬彼植

園木有根易為長留之不遣去館置城西菊歲時未

一作來云幾浩浩觀湖江眾夫指之笑謂我知不明兒童

畏雷電魚鼈驚夜光州家舉進士選試繆所當云汴州舉進

士公為考官試反舌無聲詩籍中等馳辭對我策章句何煒煌相公朝服立

工席歌鹿鳴禮終樂亦闋苦穴切禮記爵卒而樂闋相拜送於庭之子

去須臾赫赫流盛名竊喜復一作憊竊歎諒知有所成

人事安可恒奄忽令我傷聞子高第日正從相公喪

孫云貞元十五年高郢知舉籍登第是歲二月晉卒公護其喪行哀情逢吉語音敬一作傲忱許昉切難

為雙嗣立補注楚辭遠遊篇怵怛而乖懷暮宿偃師西王云偃師縣名今在洛州徒展轉在牀

一作展轉夜聞汴州亂嗣立補注公本傳愈從喪不四日汴軍亂遶僻行傍徨我時

留一作乃弃妻子倉卒不及將相見不復期零落甘所丁選西京賦

惟愛所丁爾雅丁當也驕女未絕乳念之不能忘忽如在我所耳若

聞啼聲中塗安得返一日不可更俄有東來說我家

免罹殃乘船下汴水東去趨彭城孫云公妻子先往徐州從唐地理志徐州彭城郡

喪朝至洛一無朝字洛下有陽字嗣立補注書洛誥朝至于洛師還一作旋走不及停假道經

盟津漢地理志注盟讀曰孟出入行澗岡日西入軍門羸馬顛且僵主

人願少留云時李元為河陽節度主人謂元也延入陳壺觴卑賤不敢辭忽

忽心如狂飲食豈知味絲竹徒轟轟轟轟平明脫身去決

若驚鳧翔黃昏次汜音似水王云汜水在河南成皋縣欲過一作濟無舟航號

呼久乃至夜濟十里黃中流上灘一作沙渾音但一作澤方云郭璞曰江東人呼

水中沙堆為渾渾即灘也沙水不可詳驚波暗合杳星宿爭翻芒轅馬

躅躅鳴一作馬乏復悲鳴或作馬躅躅鳴悲左右泣僕童甲午憩時門臨泉

窺鬪龍左傳昭十九年鄭大水龍鬪于時門之外洧淵杜預注云時門鄭城門也東西出陳許陂澤

平一作路或作何茫茫道邊草木花紅紫相低昂百里不逢人角

角音谷雄雉一作雉鳴行行二月暮乃及徐南疆下馬步堤

岸上船拜吾兄洪云公有三兄皆早世見於集中者雲卿之子俞紳卿之子岌皆公從兄誰云經艱一作險

難百口無天一作橫殤僕射南陽公宅我睢音綏水陽孫云二月末公

至徐州徐泗濠節度使張建封以公為節度推官王云睢水名在徐州祝云公與孟東野書云主人與余有故居余符離睢水上即此也篋中有

餘衣盎鳥浪切中有餘糧閉門讀一作閱書史窗戶忽已涼一作清風

窗戶涼或作窗戶風已涼或作窗戶清風涼日念子來遊子豈知我情別離未為

久辛苦多所經對食每不飽共言無倦聽連延三十

日晨坐達五更我友一作有二三子宦遊在西京東野窺

禹穴見卷五劉生詩注李翱觀濤江云翱字習之見卷四送李翱詩注習之論性末云南觀濤江入于越而吳郡

陸森存焉與之言參曰尼父之心也翱觀濤江豈此時乎蕭條千萬里會合安可逢淮之水

舒舒楚山直叢叢子又捨我去我懷焉一作安所窮男兒

不再壯百歲如風狂高爵尚可求無為守一鄉

元吉此篇押

二光字二鳴字二更字二狂字胡仔謂退之好重疊用韻以盡己之意蓋不恤其為病也

嗣立按歐陽文忠詩話云退之工於用韻得韻寬則波瀾橫溢泛入傍韻乍還乍離出入回合殆不可拘以常格如此日足可惜之類是也得韻窄則不復傍出而因難見巧愈險愈奇如病中贈張十八之類是也譬如善馭馬者通衢廣陌縱橫馳逐惟意所之至于水曲蟻封疾徐中節而不少蹉跌乃天下之至工也又洪興祖云此詩雜用韻又疊用韻俞瑒云此詩用韻非雜也古康陽二韻原自相通觀鹿鳴采芑之詩自見却非俗說通用轉用之例也其入東韻者桑中之詩亦然按少陵飲中八仙歌嘗疊用韻此詩中間敘次亦仿佛彭衙北征光景

幽懷

幽懷不能一作可寫行此春江潯選七發頌節乎江潯適與佳節會士

女競光陰凝粧耀洲渚繁吹天偽切蕩人心閒關林中鳥

亦知和為疑作其音豈無一樽酒自酌還自吟但悲時易

失西漢蒯通傳時者難值而易失四序迭相侵我歌君子行古樂府有君子行視古

猶視今列子楊朱篇楊子曰世事苦樂古猶今也

君子法天運

君子法天運四時可一作每前知小人惟所遇寒暑不可

期利害有常勢取捨無定姿焉能使我心皎皎遠憂

疑

落葉一首送陳羽

落葉不更息斷蓬無復歸飄飄終自異邂逅暫相依
悄悄深夜語悠悠寒月輝誰云少年別流淚各霑衣

歸彭城

云公作歐陽詹哀詞云貞元十五年冬某為徐州從事朝正于京師而此詩曰歸彭城明年自京歸徐也天下兵又動謂十五年秋起諸道兵討吳少誠前年關中旱謂十四年冬京師飢去歲東郡水謂十五年秋鄭滑

水事見
齷齪詩

天下兵又動太平竟何時訐謨者誰子無乃失所宜

前年關中旱閭井多死飢一作去歲東郡水生民為流

屍上天不虛應禍福各有隨我欲進短策無由至形

一作丹墀剝肝以為紙瀝血以書辭上言陳堯舜下言引

龍夔言詞多感激文字少歲音透一作萎蕤音綾陸士衡文賦紛歲蕤以駁逯一讀

已自怪再尋良自疑食芹雖云美獻御固已癡列子宋有田父

常衣濕膺至春自暴于日謂其妻曰負日之暄人莫知之以獻吾君將有賞妻曰昔有甘芹萍子對鄉豪稱之鄉豪取而嘗之蜚於口慘於腹眾哂而怨之其人

大慙嵇叔夜與山濤書野人有快炙背而美芹子欲獻之至尊雖有區區之意亦已踈矣絨封在骨髓耿耿空

自奇昨者到京師一作城屢陪高車馳周行胡郎切多俊異議

論無瑕疵見待頗異禮未能去毛皮到口不敢吐徐

徐俟其巘虛宜切揚子法言巘可抵乎注云巘罅隙也歸來戎馬間驚顧似羈雌

枚叔七發暮則羈雌迷鳥宿焉謝靈運晚出西射堂詩羈雌戀舊侶迷鳥懷故林注羈無偶也連日或不語終朝見

相欺乘閒輒騎馬茫茫詣空陂遇酒即酩酊君知我

為誰晉書山簡出為征南將軍鎮襄陽時有童子歌曰山公出何許往至高陽池日夕倒載歸酩酊無所知時時能騎馬倒著白接羅舉鞭問葛疆

何如并州兒

醉後一作客

煌煌東方星魏道輔云夏英公竦評老杜初秋月云微升紫塞外已隱暮雲端意主肅宗也吾觀退之煌煌東方星其順宗時作

奈此眾客醉初喧或忿爭一作紛爭或作爭忿中靜雜

乎東方謂憲宗在諸宮也惟嘲戲選典論雜以嘲戲淋漓一作浪身上衣顛倒筆下字人生如

此少酒賤且勤置

醉贈張祕書

方云一本題下或注徹字徹元和四年進士此詩元和初作徹猶未第公五六年間皆在東都此詩蓋在長安日作非徹也

人皆勸我酒我若耳不聞今日到君家呼酒持勸君

為此座上客後漢孔融傳融字文舉性寬容少忌好士喜誘益後進及退閑職賓客日盈其門常歎曰座上客常滿樽中酒不空

及余各能文君詩多態度藹藹春空雲東野動驚吾無憂矣

俗天葩吐奇芬張籍學古淡軒鶴一作昂避雞羣晉書嵇紹始入洛或

謂王戎曰昨於稠人中見嵇紹昂昂然如野鶴之在雞羣嗣立補注左傳衛懿公好鶴鶴有乘軒者○宋云言張籍學古淡而不騫於綺靡如以乘軒之鶴而反避雞羣也嗣立按以上四句兩相呼應東野二句即薦士詩所謂敷柔肆紆餘與榮華肖天秀是也張籍二句即調張籍詩所謂騰身跨汗漫不著織女襄是也亡友犀月嘗謂東野文昌兩君所得極不相似而同為公所許足見公之才大可知言矣

阿買不識字趙堯夫曰或問魯直

頗知書八分嗣立補注周越書苑八分者秦羽人上谷王次仲飾隸書為之鍾繇

謂之章程書蔡文姬別傳臣父邕言割程邈隸字八分取二分割李斯小篆二分取八分故名八分杜子美八分歌陳倉石鼓今已訛大小二篆生八分詩

成使之寫亦足張豬亮切吾軍左傳柏公六年楚鬬伯比曰我張吾三軍所以欲得酒

為文俟其醺酒味既冷一作泠冽酒氣一作煙又氛一作氣氲謝惠連雪賦氛

性情漸浩浩諧笑方云云此誠得酒意餘外徒續氲蕭索

紛長安眾富兒盤饌羅羶葷不解文字飲惟能醉紅

裙雖得一餉樂有如聚飛蚊今我及數子固無藉與

薰險語破鬼膽開元天寶遺事李果為洛陽令有劉兼者過其境夜聞戶外語聲曰古今正人李令是也見其行事令人破膽

高詞媿皇墳爾雅妃媿也注相偶媿也孔安國尚書序伏羲神農黃帝之書謂之三墳至寶不

雕琢一作琢神功謝鋤耘方今向泰平元凱承華勛嗣立補注左傳

文公十八年昔高陽氏有才子八人謂之八愷高莘氏有才子八人謂之八元云時憲宗即位杜黃裳鄭餘慶李吉甫裴均李藩之徒相繼為相故云

徒幸無事庶以窮朝曛

同冠峽

秀野州堂

嗣立補注集中又有次同冠峽詩見第九卷

南方二月半春物亦已少維舟山水閒晨坐聽百鳥

宿雲尚含姿朝日忽升曉羈旅感和鳴一作陽和囚拘念輕

矯潺湲淚久一作交迸楚辭橫流涕兮潺湲詰曲思增繞行矣且無然

蓋棺事乃了嗣立補注杜子美詩蓋棺事則已

送惠師

云詩云自來連州寺當在陽山時作陽山連屬邑也惠名元惠公為王弘中作宴喜亭記謂其在連州與學佛之人景常元惠者游即惠師也

惠師浮屠者乃是不羈人鄒陽上吳王書使不羈之士與牛馬同阜注不羈無所拘繫也司馬遷傳少負

不羈之才十五愛山水超然謝芻親一作同脫冠翦頭一作短髮飛

一作孤步遺蹤塵發跡入四明王云四明山名在明州梯空上秋旻嗣立補注爾雅

秋天曰旻天李太白詩眾星羅秋旻遂登天台望韓云天台山名在台州眾壑皆嶙峋音詢

嗣立補注甘泉賦嶙峋嶙峋善曰深無厓之貌夜宿最高頂舉頭看星辰光芒相照

燭南北爭羅陳茲地絕翔走自然嚴且神微風吹木

石澎音彭湃音拜聞韶鈞嗣立補注上林賦洶涌澎湃司馬彪曰澎湃波相戾也夜半一作半夜或作中夜

起下視溟波銜日輪魚龍驚踊躍叫嘯一作笑成悲辛嗣立

補注文選海賦更相叫嘯怪氣或紫赤敲磨共輪囷鄒陽獄中書輪囷離奇張晏曰委曲盤戾也

金鷄既騰翥隋孟康詠日詩金鳥升曉氣玉鑑漾晨曦六合俄清新常聞禹穴

奇東去窺甌閩越俗不好古流傳失其真幽蹤邈難

得聖路嗟長堙迴臨淞江濤屹起高峨峨壯志死不

息越絕書子胥死捐於大江發憤馳騰氣若奔馬乃歸神大海水經注錢塘江濤二月八月最高峨峨二丈有餘吳越春秋以為子胥文種之神謂此也

千年如隔晨是非竟何有棄去非吾倫凌江詣廬嶽

王云廬山浩蕩極遊巡崔翠沒雲表陂陀浸湖淪嗣立補注哀二

世賦登陂陀之長阪匡謬是時雨初霽懸瀑垂天一作神方云宋之

天作帶雲壑樹披衣孟前年往羅浮王云羅浮山名在今廣州曾城博羅二縣之境步夏南

海湄嗣立補注東都賦東澹海湄注湄崖也大哉陽德盛榮茂恒留春鵬騫虛言切

隋長翮鯨戲側脩鱗嗣立補注杜子美詩脩鱗脫遠枝自來連州寺曾未

造城闈詩出其闈闈注闈曲城也日攜青雲一作春客探勝窮崖濱太守邀

不去一作往或作得羣官請徒頻一作其志信不羣囊無一金資翻謂一作為

富者貧昨日忽不見我令訪其鄰奔波一作走自追及把

手問所因顧我却一作却我興歎君寧異於民離合自古然

辭別安足珍吾聞九疑好嗣立補注湘中記九疑山在營道縣九山相似行者疑惑故名九疑水經注峰

秀數郡之間異嶺同勢遊者疑焉史記舜葬九疑夙志今欲一作願伸斑竹啼舜婦博物志洞庭之

山帝之二女以涕揮竹竹盡斑清湘沈楚臣史記屈原仕楚為上官大夫所讒懷石投汨羅而死衡山與洞

庭云衡山在衡州洞庭在岳州此固道所循尋嵩方抵洛云嵩山在洛歷華遂

之秦云太華山在華州浮游靡定處偶往即通津吾言子當去

子道非吾遵江魚不池活野鳥一作鶩難籠馴嗣立補注潘安仁秋興賦譬猶

池魚籠鳥有江湖山藪之思吾非西方教憐子狂且醇吾嫉惰遊者憐

子愚且諄去矣各異趣何為浪一作淚霑巾

送靈師

佛法入中國爾來六百年云按後漢明帝夢見金人問羣臣或曰西方有神名曰佛其形長丈六尺而

金色於是遣使天竺問佛道法圖画形像以歸其教因流入中國此詩據漢明

帝時言之爾故其佛骨表云自後漢時流入中國又云漢明帝時始有佛法也

漢武故事昆邪王殺休屠王來降得其金人之神置之甘泉宮則是佛入中國始自漢武至成哀間已有經矣杜致行守編亦曰漢武作昆明池掘地得黑灰東方朔云可問西域道人西域道人佛之徒也又開皇歷代三寶記云劉向稱子覽典籍已見有經將知周時九流釋典秦雖蕪除漢興復出則先漢之前逆

至于周有佛有經其來也遠范曄胡為以謂明帝之時佛始入中國邪退齊之一世大儒非承襲謬誤者將由心惡其教不復詳考其源流所自耳

民逃賦役高士著幽禪官吏不之制一作禁紛紛一作紜聽其

然耕桑日失隸朝署時遺賢靈師皇甫姓肩胛本蟬

聯嗣立補注晉書爵位蟬聯文武相繼少小涉書史早能綴文篇

中間不得意失跡成延遷逸志不拘教軒騰斷牽攀

圍碁鬪白黑生死隨機權嗣立補注邯鄲淳藝經碁局縱橫各十

百五十枚桓譚新論俗有圍碁是兵法之類六博在一擲梟一作呼盧叱迴旋楚辭宋

篋蔽象碁有六博此又成梟而半呼五白些晉劉毅傳毅與劉裕樗蒲毅擲得雉

大喜繞牀叫曰非不能盧不事此耳裕惡之因投五木久之曰老兄試為卿答

既而四子俱黑其一子轉躍未定裕厲聲喝之即成盧毅意殊不快也嗣立補

注吳曾漫錄梟盧樗蒲采名晉書梟邀也六博得邀者勝莊子美詩馮陵大叫

呼五白袒跣戰詩一作爭戰或作誰與敵浩汗橫戈鉞音蟬又音

不肯成梟盧戰詩文戰或作詩戰飲酒盡百觥音戰

詩戰文唐人語也白樂天詩戰文重掉鞅劉夢得詩戰

文矛戟深誰與選東都賦戈鉞慧雲說文鉞小矛也

電讓歸船寰宇記瞿塘在夔州東一里古西陵峽也連崖千丈崩流

水忽中裂千尋隋幽泉環迴勢益急仰見團團一作圓天

投身豈得計性命甘徒捐浪沫感翻涌漂浮再生全

同行二一作十人鬼骨俱坑填靈師不掛懷冒涉道轉

延開忠二州牧唐地理志開州盛詩賦時多傳失職不把

筆珠璣為君編強留費日月密席羅嬋娟昨者至林

邑使君數開筵逐客三四公盈懷贈蘭荃湖游泛漭

沆西京賦滄池漭沆溪宴駐潺湲別語不許出行裾動遭

牽鄰州競招請書札何翩翩十月下桂嶺王云桂嶺縣在賀州乘寒

恣窺緣落落王員外嗣立按唐書王仲舒傳遷吏部考功員外郎坐累為連州司戶舊唐書本傳無之詳見卷十次石頭

爭迎獲其先自從入賓館占恡久能專吾徒頗一作或

攜被一作之接宿窮歡妍聽說兩京事分明皆眼前縱橫

雜謠俗瑣屑咸羅穿材調真可惜朱丹在磨研嗣立按劉石齡

云呂氏春秋丹可磨也而不可奪赤方將斂之道且欲冠其顛韶陽李一作季太

守高步陵雲煙得客輒忘食開囊乞繒一作緡錢手持南

曹敘方云公王仲舒墓志云所為文章無世俗氣王云唐制吏部員外郎一人掌判南曹字重青瑤鐫古氣

參豕繫方作象杜子美詩前哲垂豕繫高標摧太玄維舟事干謁披讀頭

風痊音詮又張緣切莊子今予病少痊典略魏太祖以陳琳管記室作諸書及檄草成呈太祖太祖先苦頭風是日疾發讀琳所作翕然起曰此愈

我還如一作頗似舊相識傾壺暢幽悃以此復留滯歸驂幾

時鞭

縣齋有懷

嗣立補注唐地理志連州連山郡有陽山縣屬嶺南道

少小尚奇偉平生足悲咤陟駕切郭景純游仙詩撫心獨悲咤杜子美詩令人幾悲咤猶嫌

子夏儒肯學樊遲稼事業窺臯稷一作稷文章蔑曹謝

濯纓起江湖綴珮雜蘭麝悠悠指長道去去策高駕

誰為傾國媒漢外戚傳李延年侍上歌曰北方有佳人絕世而獨立一顧傾人城再顧傾人國上歎息曰世豈有此人乎平陽公

主因言延年有女弟上召見之自許連城價史記趙王得楚和氏璧秦昭王聞之願以十五城價請易璧初隨計

吏貢漢武帝紀元光五年徵吏民有明當世之務令與計偕注計謂上計吏簿也屢入澤宮射禮記諸侯歲獻貢士於天

子天子試之於射宮又天子將祭必先習射於澤澤者所以澤士也注澤宮名雖免十上勞戰國策蘇秦說秦惠王書十上而說

行何能一作曾一戰霸左傳僖二十七年子犯曰一戰而霸文之教也云公自貞元八年中進士第貢于京師至貞元十年屢

試博學宏 人情忌殊異世路多一作重權詐蹉跎顏遂低摧

折氣愈下治長信非罪侯生或遭罵史記魏有隱士曰侯嬴

有客在市屠中引車入市下見其客朱亥懷書出皇都云貞元十一年公東歸河陽

銜淚渡清灞見卷五贈張籍詩注身將老寂寞志欲死閑暇朝食

不盈腸冬衣纔掩骼枯駕切漢揚雄傳折脅拉骸埋蒼腰骨也軍書既頻召戎馬

乃連跨大梁從相公云貞元十二年公從汴州董晉幕彭城赴僕射云貞元十五年

年公從徐州張建封幕弓箭圍狐兔絲竹羅酒肉兩府變荒涼一作方

此言董張相繼殞謝也三年就休假求官去一作來東洛一作去官來東洛云公自貞元十六年張建

封薨歸洛陽至十九年始除監察御史犯雪過西華塵埃紫陌春風雨靈臺夜

名聲荷朋友援引乏姻婭爾雅兩壻相謂曰婭雖陪彤庭臣嗣立補注西京

賦玉階形庭詎縱青冥一作雲靴聖主得賢臣頌王良執靴注轡也嗣立補注楚辭據青冥而攄虹注青冥雲也寒空

聳危闕曉色曜脩架捐軀辰在丁曹子建三良詩誰言捐軀易殺身誠獨難云貞元

十九年十二月公以監察御史上天旱人飢疏貶陽山令辰在丁謂上疏之日也嗣立補注本集江陵途中寄三學士詩適會除御史誠當得言秋拜疏移閣

門為忠寧自謀鍛所介翻時方措音乍顏延年詩鸞翻有時鍛廣雅夏曰清祀商

出以十二月故時方措也嗣立補注本集江陵途中寄三學士詩商山季冬月水凍絕行軻投荒誠職分領邑幸

寬赦湖波翻日車淮南子曰乘車駕以六龍羲和為御杜子美詩西江浸日車嗣立補注又杜詩愁畏日車翻嶺

石圻天罅毒霧恒熏晝炎風每燒夏雷威固已加颺

勢仍相借氣象杳難測聲音吁可怕王文考魯靈光殿賦吁可畏乎其駭人也夷

言聽未慣越俗循猶乍指摘兩憎嫌音墮音互猜

訝莊子而睢睢盱盱而誰與居郭象曰跋扈之貌祗緣恩未報豈謂生足藉嗣皇新

繼明王云謂順宗也率土日流化惟思滌瑕垢長去事桑柘斷

嵩開雲扃壓潁抗風榭禾麥種滿地黎棗栽繞舍兒

童稍長成雀鼠得驅嚇音轄莊子鴟得腐鼠鷓鴣過之官租日

輸納村酒時邀迓閑愛老農愚歸弄小女姘陟駕切後漢書河間

姘女工數錢如今便可爾何用畢婚嫁後漢書向平字子平隱居不仕建武中男女娶嫁既畢救家事

勿相關當如我死也齊書蕭惠基常謂所親曰須婚嫁畢當歸老舊廬

嗣立按公詩句有來歷而能務去陳言者全在于反用如醉贈張秘書詩本用嵇紹鶴立雞羣語偏云張籍學古淡軒鶴避雞羣送文暢詩本用

老杜每愁夜中自足蝎句偏云照壁喜見蝎薦士詩本用漢書強弩之末力不能入魯縞語偏云強箭射魯縞嶽廟詩本用謝靈運猿鳴誠知曙句

偏云猿鳴鐘動不知曙此詩結語本用向平婚嫁畢事偏云如今便可爾何用畢婚嫁真令舊事翻新解得此秘則臭腐皆化為神奇矣

合江亭

諸本作題合江亭寄刺史鄒君

孫云亭在衡州負郭今之石鼓頭即其地也地形特異巋然崛起於二水之間旁有朱陵洞亦謂之朱陵仙府

唐人題刻散滿巖上公自陽山量移江陵過衡山云鄒君逸其名亭故相齊映所作故曰維昔經營初邦君寔王佐宇文炫又增其制故曰老郎來何暮高唱久乃和前刺史元澄無政廉使中丞楊公憑奏黜之遂用鄒

公其曰中丞黜凶邪意指此也

紅亭枕湘江蒸水會其左嗣立補注水經湘水出零陵始安縣陽海山又東北過鄒縣西承水從東南來

注之鄒道元注承水出衡陽重安縣西邵陵縣界邪薑山漢地理志承陽在承水之陽讀若蒸瞰臨眇空闊綠淨不

可唾維昔經營初邦君實王佐翦林遷神祠買地費

一作家貨梁棟宏一作可愛結構麗匪過伊人去軒騰茲

宇遂頽挫老郎來何暮嗣立補注後漢書廉范傳廉叔度來何暮高唱久乃和

樹蘭盈九畹嗣立補注楚辭余既滋蘭之九畹兮又樹蕙之百畝王逸曰十二畝為畹栽竹逾万个

一作箇方云史記貨殖傳竹竿万个古書皆用个字漢功臣傳表始出箇字長綆汲滄浪幽蹊下坎坳

波濤夜俯聽雲樹朝對臥初如遺宦情終乃最郡課

人生誠無幾事往悲豈奈一作蕭條縣歲時契音闊繼

庸懦乃臥切詩死生契闊注勤苦也勝事誰復論醜聲日已播中丞黜凶

邪天子閔窮餓君侯至之初閭里自相賀淹滯樂閑
曠勤苦勸慵惰為余埽塵階命樂醉眾座窮秋感平
分新月憐半破願書巖上石勿使泥塵一作泥塵泥烏臥切

陪杜侍御遊湘西兩一無兩字寺獨宿有題一首因

一無因字獻楊常侍原注楊常侍憑也時觀察湖南

嗣立補注舊唐書楊憑字虛受弘農人舉進士累遷湖南江西觀察使入為左散騎常侍負氣節與母弟凝凌相友愛皆有時名

有時名

長沙千里平勝地猶在險况當江闊處斗起勢匪一作非

漸深林高玲瓏青山上一作生琬琰以丹切路窮臺殿闢佛事

煥且儼剖竹走泉源開廊一作廊架崖广音儼說文广因巖為屋是時秋

之一作初殘暑氣尚未斂羣行忘後先朋一作困息棄拘檢客

堂喜空一作風涼華榻有清簟嗣立補注謝玄暉詩珍簟清夏室杜子美詩清簟疎簾看奕棋澗蔬

煮蒿芹嗣立補注左傳隱三年澗谿沼沚之毛詩食野之蒿注菹也即青蒿又薄采其芹注水菜也杜子美詩香芹碧澗羹又飯煮青泥坊伊余夙所

底水果剥菱芡音儼嗣立補注江賦攢布水菰東京賦供蝸蠃與菱芡善曰菱芡也芡雞頭也

慕陪賞亦云忝幸逢車馬歸獨宿門不掩山樓黑無

月漁火燦星點夜風一何喧杉檜屢磨一作摩古磨摩通風職琰切

猶疑在波濤怵惕夢成魘於琰切靜思屈原沈遠憶賈誼

貶椒蘭爭妒忌離騷經余以蘭為可恃兮羌無實而容長椒專佞以慢也椒楚大夫子椒也絳灌共讒諂漢賈誼傳文帝議以誼任公卿之位絳灌乃毀誼曰洛陽人年少初學專欲擅權紛亂諸事於

是天子以為長沙王大傅師誰令悲生腸坐使淚盈臉翻飛乏

古曰絳絳侯周勃灌灌嬰也一作羽翼指摘困瑕玷耳音貂丁聊切藩維重嗣立補注左太冲

貂善曰珥插也董巴輿服志侍中中常侍冠武弁貂尾為飾政化類分陝音閃公羊傳自陝而東周

秀野州堂

之何休曰陝者今弘農陝縣是也亦見史記世家韓云珥貂分陝謂憑以常侍鎮長沙也禮賢道何優奉已事苦

儉大厦棟方隆巨川楫行一作剡音揜易大過棟隆初吉繫辭剡木為楫經營誠

少暇遊宴固已歉歉慊旅程愧淹留徂歲嗟荏苒平生每多感柔翰遇頻染左太冲詩弱冠弄柔翰展轉嶺猿鳴曙燈青

睽睽一作皎皎見卷三東方未明詩注

岳陽樓別竇司直原注竇庠時以武昌幕權岳州

舊唐書竇庠字胃卿韓臯鎮武昌辟為推官嗣立補注周處風土記岳陽樓城西門門樓也下瞰洞庭景物寬闊

洞庭九州間厥大誰與讓南匯一作維羣崖水北注何奔

放瀦為七百里吞納各殊狀自古澄不清環混無歸

向炎風日搜攪幽怪多冗長音仗選文賦故無取於冗長軒然大波起

宇宙隘而妨音訪一作放魏莪拔嵩華騰蹕一作躍較健壯吳都賦騰趨飛

超聲音一何宏轟輅丘葛切一作輅或作揭車萬兩羽獵賦皇車幽輅上林賦砰磅轟磕司馬彪曰

水聲也磕與輅音義同猶疑帝軒轅張樂就空曠莊子黃帝張咸池之樂於洞庭之野蛟螭

露筍簾見卷一元和聖德詩注縞練吹組帳鮑明遠詩組帳揚春風鬼神非人世

節奏頗跌踢徒浪切陽施見誇麗陰閉感一作咸悽愴朝過

一作迴宜春口王云宜春即棗州極北一作地缺堤障夜纜巴陵洲王云巴陵郡即岳州

叢芮纔可傍星河盡涵泳俯仰迷下上餘瀾怒不已

喧聒鳴甕盎嗣立補注莊子甕盎大癭明登岳陽樓輝煥朝日亮飛廉

戢其威王逸楚辭注飛廉風伯也詳見卷五月蝕詩注清晏息纖纒海賦輕塵不飛纖羅不動泓澄湛

凝綠物影巧相况江豚時出戲說文江豚一名鯨鯢欲風則踊驚波一作沒忽

蕩漾時當冬之孟隙竅縮寒漲前臨指近岸側坐眇

昌黎詩集注卷三

秀野州堂

一四

難望滌濯神魂醒幽懷舒以暢主人孩童一作童孩舊握手

乍忻悵憐我竄逐歸相見得無恙風俗通恙毒蟲也喜傷人古人草居露宿故相勞問

家釀必曰無恙李陵傳霍與上官無恙乎後漢蘇竟傳君執事無恙開筵交履舄史記滑稽傳履舄交錯爛漫倒

進橙栗投擲傾脯醬歡窮悲心生婉變不能忘念昔

始讀書志欲干霸王去聲屠龍破千金莊子朱泚漫學屠龍於支離益彈千金之家三

出官由一作日此禍最無妄公卿採虛名擢拜識天仗姦

猜畏彈射斥逐恣欺誑新恩移一作趨府庭逼側廁諸將

于嗟苦鴛緩但懼失宜當追思南渡時魚

腹甘所葬嗣立補注楚辭漁父章寧赴湘流葬于江魚之腹中嚴程迫風帆劈箭入高

浪顛沈在須臾忠鯁誰復諒生還真可喜一作刻已自

懲創庶從今日後粗識得與喪事多改前好趣有獲

新尚擔耕十畝田不取萬乘相細君知蠶織稚子已

能餉漢東方朔傳歸遺細君師古曰細君朔妻之名一說細小也朔自比於諸侯謂其妻曰小君孫芸銘石菴稚子拾薪老夫汲澗細君緝紵行

當掛其冠嗣立補注後漢逢萌傳解冠挂東都城門因遂潛藏南史陶弘景挂冠神武門上表辭祿生死君一訪

嗣立按俞瑒云此詩前半首寫景後半首述事却用追思南渡時數語挽轉真有千鈞之力且有此一段才見前此鋪張非漫然也可見公布局運筆之妙

送文暢師北遊

嗣立補注公送文暢師序浮屠師文暢喜文章其周遊天下凡有行必請於搢紳先生以求詠歌其所志貞元十九年春將行東南柳君宗元為之請解其裝得所得敘詩累百餘篇柳宗元集有送文暢上人登五臺遂遊河朔序云送文暢師序公為四門博士時作此詩國子博士時所作也

昌黎詩集注卷一

秀野州堂

昔在四門館

嗣立補注舊唐書職官志國子監有六學一國子學二太學三四門四律學五書學六算學四門博士三人云公

時為四門博士晨有僧來謁

聞見錄歐陽公於詩主退之不主子美劉仲原父來相訪有俗氣退之決不道也仲原父曰亦退之昔在四門館晨有僧來謁之句之類耳公賞其辯自言本吳人嗣立補注

陸士衡謝平原內史表臣本吳人少小學城闕

詩挑兮達兮已窮佛根源粗識

事輓五雞切軌魚骨切攣拘屈吾真

一作身漢鄒陽傳能越攣拘之語選西征賦陋吾人之拘攣戒轄

薦紳秉筆徒聲譽耀前閥

從求一作來送行詩屢造忍顛

躡今成十餘卷浩汗羅斧鉞先生閔窮巷未得窺劄

居綺切劄音厥淮南子劄劄無跡人巧之妙楚辭握劄劄而不用嗣立補注又

聞識大道何路補劄

與其囊中文滿聽實清越謂僧

當少安草序頗排訐上論古之初所以施賞罰下開

迷惑宵窳

音哮一作序豁斲株糜音掘方云窳氣上蒸也何遜詩窳豁下

若飲水救渴

僧時不聽瑩

風塵一出門時日多如髮三年竄荒嶺守縣坐深樾

京官云元和元年六月自照壁喜見蝎音歇酉陽雜俎江南舊無

窮共一作與誰語思想甚含噦

况逢舊親一作識

相識無不比鷓鴣

蟹音厥嗣立補注爾雅南方有比翼鳥不比不飛

王云楚謂兩木交陰之下曰樾

云此言出為陽山令徵租聚異物詭製一作制怛一作恒中鞮幽

幽谷豁以窳窳列子吾處也若糜株拘注斷木也王云言序

莊子齊物論篇是黃帝之所聽瑩也司馬彪曰聽瑩疑惑貌若飲水救渴音渴一作渴字林喝傷暑

後漢書聲容輝於門閥

嗣立補注史記功臣表功有五品明其等曰閥

胡葛切思遠發

詩載脂載牽注牽車軸頭金也牽與轄同薦紳秉筆徒聲譽耀前閥

一作割劄

甘泉賦般倕棄其劄劄今應劭曰劄劄也劄曲鑿也又

公詩意謂文暢既祝髮為僧欲補其剝削而反之初庸可得乎

出其囊中文滿聽實清越謂僧

當少安草序頗排訐上論古之初所以施賞罰下開

迷惑宵窳音哮一作序豁斲株糜音掘方云窳氣上蒸也何遜詩窳豁下

若飲水救渴

僧時不聽瑩

風塵一出門時日多如髮三年竄荒嶺守縣坐深樾

京官云元和元年六月自照壁喜見蝎音歇酉陽雜俎江南舊無

窮共一作與誰語思想甚含噦

况逢舊親一作識

相識無不比鷓鴣

蟹音厥嗣立補注爾雅南方有比翼鳥不比不飛

相得乃飛又西方有比肩獸與叩叩距虛比為叩叩距虛蓋甘草長安多

門戶弔慶少休歇而能勤來過重惠一作惠重安可揭方云母丘儉詩

憂責重山岳誰能初即位也當今聖政初云謂憲宗恩澤完一作寬狨許出狨切狨

許月切禮記鳳以為畜故鳥不猶麟以為畜故獸不狘注猶驚飛也狘驚走也胡為不自暇飄戾逐鸛然

鷹音厥爾雅晨風鸛郭璞曰似鷓而小青僕射領北門云謂田季安為魏博節度使

威德壓胡羯相公鎮幽都云謂劉濟為幽州節度竹帛爛勳伐酒場

舞閨姝昌株切詩獵騎圍邊月開張篋中寶自可得津

筏音伐吳志束縛作大筏從茲富裘馬寧復茹藜蕨余期報恩後

謝病老耕垓孫云耕起土謂之垓祝云與發同國語王耕一發庇身指蓬茅逞志縱

獫狁虛檢切獨許竭切詩載獫狁獨獫狁雅長喙曰獫短喙曰獨僧還相訪來山藥煮可掘

難見巧不獨贈張十八一首也但江字韻為尤窄耳

答張徹

云張徹公門下士又公之從子塔嗣立按公撰張徹墓志徹舉進士遷殿中侍御史為幽州節度判官軍亂罵賊死事具載唐書

辱贈不知報我歌爾其聆首敘始識面北史齊神武自太原來朝見宋遊曰

嘗聞其名今日始識其面選曹子建求自試表誠與道途緜萬里

日月垂十齡云謂自貞元十二年丙子至是元和元年丙戌十年也浚郊避兵亂見下汴州亂詩注

睢岸連門停王云是歲公至彭城節度使張建封居之于睢水上停猶居也肝膽一古劍波濤

兩浮萍漬墨竄舊史磨丹注前經義苑手祕寶文堂

耳驚霆暄晨躡露鳥嗣立補注左傳相公二年帶裳幅鳥杜預曰鳥復履暑夕眠風櫺

嗣立補注文選曹子建詩流焱激櫺軒說文櫺窗間也結友子讓抗嗣立補注晉羊祜傳祜出鎮南夏與陸抗相對使命交通祜饋

之藥抗服之無疑心人或請師我慙丁左傳襄公十四年初尹公佗學射於庚公差庚公差學射於公

孫丁二子追公公孫丁御公初味猶噉徒敢切與啖同蔗晉顧愷之傳每食甘蔗恒自尾至本日漸入佳

境遂通斯建瓴音零漢高帝紀譬猶居高屋之上搜奇日有富

嗜善心無寧石梁平佺佺音挺說文沙水光泠泠陸士衡招隱詩

山溜何乘枯摘野豔沈細抽潛腥遊寺去陟一作嘯詩陟則

野平蕪眇開溟防泄塹夜塞懼衝城畫局云自肝膽一古劍以下至此

皆言十五年睢岸連及去事戎轡云久之建封以公為節度推官相逢宴軍伶觥

秋縱兀兀獵旦一作晏馳駟駒音局詩駒駟牡馬從賦始分手孫云謂徹赴舉

試也嗣立補注文選沈休文朝京忽同舫音零樊云是年冬公以徐州從事朝于京師又與徹同行楚辭

九章察舫舫余上沅兮王逸曰舫船船有窗牖者急時促暗棹戀月留虛亭畢事驅

傳除戀切馬云謂十六年春公朝正事畢歸彭城也安居守牕螢梅花灞水別灞水

見卷五贈張籍詩注宮一作官燭驪力馳切山醒杜子美詩軍吏回宮燭寰宇記驪山在昭應縣東南二里即藍田山也○筆墨間錄

劉備云此對極有風味省選逮投足鄉賓尚摧翎樊云二句謂徹下第也塵祛又一

參所減切詩摻執子之祛今毛氏云摻擊祛袂也淚皆音漬又在計切還雙熒列子拂皆揚眉而望之說文皆目匡也○云

為冠云十九年公伏蒲愧分涇漢書史丹直入臥內頓首伏青蒲上應劭曰以青規地曰青蒲孫云分涇分別

涇渭以明清濁也嗣立按詩谷風微誠慕橫草嗣立補注漢終軍傳軍無橫草之功師古曰言

行草中使草偃臥也瑣力摧撞筵音廷說苑子路對趙襄子曰建天下之鳴鐘而撞之以筵豈能發其聲乎哉詳卷五醉留東野

注 豐雪走商嶺飛波航洞庭下險疑隋井守官一作宮類

拘囹荒餐茹獠音老盡嗣立補注北史獠者南蠻別種無名字以長幼次第呼之○孫云自峨多忝備列已下皆言十

九年冬自監察御史幽夢感湘靈楚辭遠遊篇使湘靈鼓瑟兮刺史肅著蔡選

彥伯三國名臣贊思同著蔡運用無方史記龜策傳著千歲則一本吏人沸

蝗螟嗣立補注春秋隱公五年螟杜預曰蟲食苗心者說文蝗蟲也點綴簿上字趨踰閭前鈴

音荈後漢周紆傳又問鈴下注漢官儀鈴下侍閭辟車此皆以名自定者也晉羊祜傳出鎮南夏鈴閣之下侍衛不過十數人賴其飽山

水得以娛瞻聽紫樹雕一作雜斐疊音尾選天台山賦彤雲斐疊以翼樞碧流滴瓏

玲嗣立補注漢揚雄傳甘泉賦和氏瓏玲孟康曰其聲玲瓏也詳卷五孟生詩注映波鋪遠錦插地列長

屏愁狄餘救切酸骨死一作怨怪花醉菟馨潛苞絳實坼幽乳

一作 翠毛零赦行五百里云二十一年正月順宗即位二月大赦公自陽山量移江陵法曹月變三

十蕈音冥嗣立補注帝王世紀堯時為天子蕈莢生于庭為帝成曆始一日生一莢至月半生十五莢十六日落一莢至晦日而盡小月而一莢厭

不 漸階羣振鷺詩振鷺振鷺于飛有馭振振鷺入學誨螟蛉音苓揚子螟蛉之子殪而逢螺贏祝

之曰類我類我久則肖之矣嗣立補注詩螟蛉有子果蠃負之陸璣蟲魚疏螟蛉桑上小青蟲螺贏土蜂似蜂而小腰取桑蟲負之于木空中七日而化為其

子王云元和元年六月公自江陵法曹召為國子博士故云革甘謝鳴鹿鹿鳴詩見卷一壘滿慙

罄餅詩餅之罄矣維壘之恥囧囧抱瑚璉嗣立按劉石齡云禮夏后氏之四璉殷之六瑚飛飛聯鶴

資昔 鴿郎丁切詩鴿鴿在原兄弟急難爾雅鴿鴿雉渠郭璞曰雀屬也飛則鳴行則搖嗣立按墓志徹弟復亦舉進士故云魚鬣音

欲脫背孫云言將化為龍也山海經鯁魚赤目赤鬣虬光先一作精光照矧見卷八城南豈獨

出醜類方當動朝廷勤來得晤語勿憚宿寒廳

筆墨閒錄劉儗云答張徹一詩尤奇麗嗣立按此詩通首用對句而以生峭之筆行之便與律詩大別杜少陵橋陵詩便自此種

薦士

王云薦東野于鄭餘慶也東野貞元十一年為溧陽尉時鄭餘慶尹河南公作是詩以薦之嗣立按舊唐書鄭餘慶傳貞元十四年拜中書侍郎平章事貶郴州司馬六載元和元年復擢本官平章事尋拜河南尹公貞曜先生墓志東野年幾五十來集京師從進士試既得即去間四年來選為溧陽尉去尉二年而故相鄭公尹河南奏為水陸運從事後鄭節領興元軍奏為軍參謀卒年六十四今王注謂東野貞元十一年為溧陽尉是時餘慶尚未尹河南也公詩云廟堂有賢相愛遇均覆燾其薦於餘慶為中書侍郎時乎且公與餘慶書有再奉示問皆緣孟家事則公之薦東野不止此一詩可知公詩又云况承歸與張二公迭嗟悼蓋以東野五十作尉人共歎息欲引重二公以啓餘慶之聽也按唐書張建封卒于貞元十六年若云是詩作于餘慶尹河南日則建封死已久矣何獨援引及之而並無懷舊感歎之意邪舊注紛紛附會穿鑿悉為刪去

周詩三百篇雅麗一作麗雅理訓誥曾經聖人手議論安敢

到五言出漢時蘇李首更號韓云文選李陵與蘇武詩注云五言詩自陵始也東都

漸瀾漫派別百川導建安能者七孫云建安漢獻帝年號也魏文帝典論今之文人魯國孔

融文舉廣陵陳琳孔璋山陽王粲仲宣北海徐幹偉長陳留阮瑀元瑜汝南應瑒德璉東平劉楨公幹斯七子者于學無所遺于辭無所假卓犖

變風操逶迤抵晉宋氣象日凋耗中間數鮑謝孫云鮑昭謝眺

也或曰謝靈運蓋二謝通稱嗣立按劉石齡云杜子美詩賦詩何必多往往凌鮑謝比近最清奧齊梁及陳

隋眾作等蟬噪搜春摘花卉沿襲傷剽盜國朝盛文

章子昂始高蹈嗣立補注唐書陳子昂字伯玉梓州射洪人唐興文章承徐庾餘風天下祖尚子昂始變雅正為感遇詩三十

八章海內宗以為法勃興得李杜嗣立補注唐書杜甫少與李白齊名時號李杜萬類困陵暴後

來相繼生亦各臻闢奧一作隩漢班固敘傳究先聖之壺奧有窮者孟郊受

材實雄鷲冥觀洞古今象外逐幽好橫空一作縱橫盤硬語

妥帖力排冪魚到切與傲通選陸士衡文賦或妥帖而易施王介甫云吟詩各有所得清水出芙蓉天然去雕飾此李白所得也

或看翡翠蘭苕上未掣鯨鯢碧海中此杜甫所得也橫空盤硬語妥帖力排冪此韓愈所得也嗣立補注許彥周詩話退之云橫空盤硬語妥帖力排冪蓋能

殺縛事實與意義合最難能之知其難則可與論詩矣此所以稱東野也 敷柔肆紆餘奮猛卷海潦榮

華肖天秀捷一作健疾逾一作愈響報行身踐規矩甘辱恥媚

竈孟軻分邪正眸子看瞭音了眊音耄杳然粹而清一作精可

以鎮浮躁酸寒溧音栗陽尉唐地理志昇州有溧陽縣五十幾何耄禮記八十九十

曰孜孜營甘旨禮記內則味爽而朝慈以甘旨辛苦久所冒俗流知者誰

指注競嘲傲聖皇索遺逸髦士日登造廟堂有賢相

王云謂鄭餘慶也 愛遇均覆方又切燾况承歸與張王云郊嘗為歸登張建封所知二公

迭嗟悼青冥送吹噓嗣立補注杜子美詩揚雄更有河東賦唯待吹噓送上天強箭射魯縞

漢韓安國傳強弩之末力不能入魯縞師古曰縞素也曲阜之地俗善作之尤為輕細 胡為久無成使以歸期

告霜風破佳菊嘉節迫吹帽晉孟嘉傳為桓温參軍九月九日宴龍山寮佐畢集有風至吹嘉帽

隋落嘉不之覺 念將決焉去感物增戀嫪盧到切魏仲舉集注云嫪悒物也聲韻姻嫪戀惜也說文固也

彼微水中荇尚煩左右芼音冒詩參差荇菜左右芼之毛氏云芼擇也魯侯國至

小廟鼎猶納部音告春秋桓公二年取部大鼎于宋戊申納于太廟幸當擇珉玉嗣立按劉石齡

云禮君子貴玉而賤珉珉與珉同李太白詩流俗多錯誤豈知玉與珉 寧有棄珪瑁音冒周禮天子執瑁四寸以朝諸侯悠

悠我之思擾擾風中毒音道嗣立補注漢高帝紀黃屋左纁李斐曰毒毛羽幢也又按戰國策寡人心搖搖上言愧無路日夜

如懸旌而無所終薄文選張景陽詩羈旅無定心翻如懸旌公詩意取此詳見卷四陸渾山火詩注惟心禱鶴翎不天生變化在啄菹薄報切王云鳥伏卵謂之菹通波非

難圖嗣立補注文選西都賦與海通波尺地易可漕嗣立補注史記河渠書徑易漕如淳漢書注水轉曰漕善

善不汲汲後時徒悔懊晉王羲之傳門生驚懊者累日救死具八珍周禮膳夫珍用

八物食醬掌八珍之齊韓云按禮記內則八珍謂淳熬淳母炮豚炮牂擣珍漬熬肝膾也不一作無如一簞音單黃石公記昔者

良將用兵人有饋一簞醪者使投之於河令將士迎流而飲之嗣立補注左傳桓公二十六年公使展喜犒師杜預曰勞齊師也微一作數詩

公勿誚嗣立補注書王亦未敢誚公愷悌神所勞郎到切詩愷悌君子神所勞矣

昌黎詩集注卷二 秀野艸堂

筆墨間錄薦士詩與送孟東野序盛言子昂李杜餘皆不在其列嗣立按公此詩歷敘詩學源流自三百篇後漢魏止取蘇李建安七子六朝止取鮑謝餘子一筆抹倒眼明手辣識力最高唐初格律變于子昂至李杜二公而極所謂李杜文章在光燄萬丈長知公平生最得力于此也後以東野繼之似猶未足當此若公之才大而力雄思沈而筆銳則庶乎可以配李杜而無慚矣

喜侯喜至贈張籍張徹

韓云公初謫陽山令元和改元六月自江陵掾召為國子博士其從游如喜如籍如徹皆會于都下詩以是作蔡云侯喜字叔起貞元十九年中進士第終國子主簿嗣立按公集有祭侯主簿文二張已見前注

昔我在南時

云謂責陽山時也

數君長在念搖搖不可止諷詠

日喁

音顯

喁

音驗選吳都賦喁喁沈浮注喁喁魚在水中羣

如以膏濯

說文以石刺病曰砥

夜每漬垢逾染又如心中疾箴石非所砭

說文以石刺病曰砥

思得遊處至死無

一作不

倦厭地遐物奇怪水鏡涵石劔

孫云水鏡一名蜮陸璣毛詩疏蜮一名射影江淮水濱皆有之人在岸上影見水中投人影則殺之

荒花窮漫亂幽獸

工騰閃礙目不忍窺忽忽坐昏墊

都念切書下民昏墊

逢神多所

祝豈忘靈即驗依依夢歸路歷歷想行店今者誠自

幸所懷無一欠孟生去雖索

索各切云東野其年十一月從河南尹鄭餘慶奏為水陸運從事

侯氏來還歎敲眠

一作枕

聽新詩屋角月

一作日

豔豔雜作承

閒騁交驚舌牙

俗互字

澹

他念切說文澹吐舌貌

繽紛指瑕疵拒捍阻城

塹以余經摧挫固請發鉛槧

七艷切王充論衡斷木為槧西京雜記揚子雲好事常懷鉛提槧後

居然妄推讓見謂熟天燄比疎語徒

諸計吏訪殊方絕域之語詳見卷一秋懷詩注

居然妄推讓見謂熟天燄比疎語徒

妍悚息不敢占呼奴具盤飧

一作餐左傳僖公二十三年乃餽盤飧寘辭焉

飭餽魚

菜贍人生但如此朱紫安足僭

古風

蜀本作二首非是

樊云安史亂後方鎮相望於內地大者連州十餘小者不下三四兵驕則逐帥帥強則叛上不廷不貢往往而

是故託古風以寓意觀詩意當在德宗之世與烽火詩意相為表裏云

今日曷不樂幸時不用兵無日一作既蹙矣乃尚可以生彼州之賦去汝不顧此州之役去我奚適一邑之水可走而違天下湯湯音傷曷其而歸好我衣服甘我飲食無念百年聊樂一日

嗣立按胡渭云詩云幸時不用兵此必貞元十四年以前作也十五年則吳少誠反而大發諸道兵以討之矣本譏賦役之困民無所逃却言時不用兵正宜甘食好衣相與為樂辭彌婉而意彌痛山樞長楚之遺音也

駑驥唐本有贈歐陽詹字或作駑驥吟示歐陽詹

洪云詹集有答韓十八駑驥吟嗣立補注唐書歐陽詹字行周泉州晉江人舉進士與韓愈李觀李絳崔羣王涯馮宿庾承宣聯第時稱龍虎榜

駑駘音臺誠齧音齧齧音齧市者何音濁選鮑明遠放歌行小人自齧齧嗣立補注楚辭宋玉九辯策駑駘而取路

其稠力小苦一作良易制價微良一作誠易酬渴飲一斗水飢

食一束芻嘶鳴當大路志氣若有餘騏驥生絕域自

矜無匹儔牽驅入市門行者不為留借問價幾何黃

金比嵩丘杜子美驄馬行朝來久試華軒下未覺千金滿高價借問行幾何咫尺視九

州飢食玉山禾嗣立補注山海經玉山王母所居昆侖之墟高萬仞其上有木禾長五尋大五圍文選張景陽七命瓊山之禾

善曰即昆侖山之木禾也鮑明遠代空城雀詩誠不及青鳥遠食玉山禾渴飲醴泉流禮記地出醴泉嗣立補注史記昆侖山上

有醴泉白虎通醴泉者美泉狀如醴文選孫興公天台山賦醴泉涌溜于陰渠問誰能為御一作借問誰能御曠世

不可求惟昔穆天子乘之極遐遊史記秦本紀周穆王得驥温驪驂駟駟之駟西巡

狩樂而忘歸裴駘曰郭璞紀年穆王十七年西征于昆侖丘見西王母正義曰六國春秋前梁張駿酒泉守馬岌上言酒泉南山即昆侖丘也穆王見西王母

即此有石室王母堂珠璣樓嚴飾煥若神宮王良執其轡嗣立補注文選王子淵程主得賢臣頌王良執靶張晏曰王良郵無郵也

造父挾其軻史記趙世家造父幸於周穆王穆王使造父御西巡狩見西王母乃賜造父以

趙城左傳隱公十一年潁考叔挾輈以走杜預曰輈車轅也

因言天外事

孫云天外事即謂崐崘命丘之事非中國所見者也

一作恍或作荒詹集作慌古慌與茫通

惚使人愁駑駘謂騏驥餓

一作飢死余爾

羞有能必見用有德必見收孰云時與命通塞皆自

由騏驥不敢言低徊但垂頭人皆劣騏驥共以駑駘

優喟余獨與歎才命不同謀寄詩

一作言

同心子

易二人同心為

我商

一作高

聲謳

選阮嗣宗詠懷詩素質由商聲禮記孟秋之月其聲商

馬馱穀

馬馱穀兮士不馱糠粃

胡骨切又音纈漢陳平傳亦食糠覈耳晉灼曰京師人謂麤屑為紇頭字與粒同杜

子美詩黎民糠粃窄

土被文繡兮

漢賈誼傳民牆屋被文繡

士無裋

一作短二

褐嗣立補注漢書

貨殖傳貧者裋褐不完師古曰裋布長襦也褐編臬衣也劉向新序燕相得罪將出召門下諸大夫曰有能從我出者乎大夫有進者曰凶年饑歲士糴糶不

馱而君之犬馬有餘穀粟隆冬烈寒士短褐不全而君之臺觀幃簾錦繡飄飄而弊財者君之所輕死者士之所重君不能施君之所輕而求得士之所重不

亦難乎燕相慙

彼其得志兮不我虞一朝失志兮其何如已焉

哉嗟嗟乎鄙夫

出門

長安百萬家出門無所之豈敢尚幽獨與世實參差

古人雖已死書上有其一作遺辭開卷讀且想千載若相

期出門各有道我道方未夷且於此中息天命一作誠不

吾欺

嗟哉董生行

王云董召南壽州安豐人舉進士連不得志于有司見公送董生游河北序

淮水出桐柏山

書禹貢導淮自桐柏孔氏云桐柏山在南陽之東嗣立補注水經淮水出南陽平氏縣胎簪山東北過桐柏山

東馳遙遙

一作悠悠

千里不能休

肥水

出其側

嗣立補注水經肥水出九江成

德縣廣陽鄉

不能千里

句絕一本無里字

百里入淮流壽州屬縣有

安豐

嗣立補注唐地理志壽州壽春郡中都督府本淮南郡天寶元年更名有安豐縣屬淮南道

唐貞元

一有時縣年字

人董生召

一作邵

南隱居行義於其中刺史不能薦天子

不聞名聲

絕句

爵祿不及門門外惟有吏日來徵租更

索錢嗟哉董生朝出耕夜歸讀古人書盡日不得息

或山而樵或水而漁入廚具甘旨上堂問起居父母

不感感妻子不咨咨嗟哉董生孝且慈人不識

絕句惟

有天翁知生祥下瑞無時期家有狗乳出求食雞來

哺其兒啄啄庭中拾蟲蟻

嗣立補注杜子美縛雞行家人厭雞食蟲蟻

哺之不食

鳴聲悲傍徨躑躅久不去以翼來覆

去聲

待狗歸嗟哉

董生誰將與儔時之人夫妻相虐兄弟為讎食君之

祿而令父母愁亦獨何心嗟哉董生無與儔

朱云上句誰將與儔

疑而問之之詞也此云無與儔答而決之之詞也

嗣立按俞瑒云古詩長短句盛于太白如蜀道難遠離別等篇寔為公所取法者其奇橫偏在用韻處貫下一筆然後截住以足上意如盡日不得

息亦獨何心等句是也

烽火

云時吳少誠敗韓全義兩都甚擾擾公詩以此作嗣立按胡渭云按全義之敗在貞元十六年五月敗于廣

利城七月又敗于五樓時公去徐居洛故以王城為言

登高望烽火

嗣立補注說文烽火表也邊有警則舉火

誰謂塞塵飛王城富且

樂

嗣立按胡渭云河南故城在今河南南府洛陽縣西北後漢志河南縣周公所城雒邑也春秋時謂之王城注地道記曰去雒城四十里通典河南縣

古郊鄆地也是為王城

曷不事光輝勿言日已暮相見恐行稀願君

熟念此秉燭夜中歸我歌寧自感乃獨淚霑衣

汴州亂二首

王云汴州自大曆後多兵董晉卒軍司馬陸長源總留後事八日而軍亂殺長源等監軍俱文珍密召宋州刺史劉逸準使總後務朝廷從之賜名全諒公是時已從晉喪出汴四日寔貞元十五年二詩蓋譏德宗姑息之政云嗣立補注唐地理志汴州陳留郡武德四年以鄭州之浚儀開封滑州之封丘置

汴州城門朝不開天狗墮地聲如雷

漢書天文志天狗狀如大流星有聲其下止地

類狗所墜及望之如火光炎炎中天千里破軍殺將孟康曰亦太白之精也

健兒爭誇

一作誘

殺留後連屋

累棟

一作累

燒成灰諸侯咫尺不能救孤士何者自興

一作生

哀

母從子走者為誰大夫夫人留後兒昨日乘車騎大馬坐者起趨乘者下廟堂不肯一作敢用干戈嗚呼奈汝母子何

嗣立按胡渭云此詩一章譏四鄰坐視二章譏君相姑息也

利劍

利劍光耿耿佩之使我無邪心

嗣立按劉石齡云越絕書寶劍篇三曰勝邪

故人

念我寡

一作無

徒

一作儔

侶持用贈我比知音我心如冰劍如

雪

嗣立按劉石齡云張景陽七命質如耀雪

不能刺讒夫使我心腐劍鋒折決

雲中斷開青天

莊子說劍篇上決浮雲下絕地紀

噫劍與我俱

變化歸黃泉

晉張華傳雷煥得豐城雙劍以一與華以自佩華誅失劍所在煥卒其子持過延平津忽於腰間躍出隨水見兩

龍縈繞於是失劍詳見卷十皇太后挽歌詩注

齷齷

云貞元十五年鄭滑大水公十六年自京師歸彭城詩云去歲東郡水而此詩亦云河隄決東郡老弱隨驚湍皆指此時也嗣立按胡渭云按洪譜公以十五年二月暮抵徐州張建封居之於符離睢上及秋將辭去建

封奏為節度推官符離屬徐州彭城郡詩云願辱太守
薦太守即徐州刺史蓋是時建封尚未奏辟故有望於

太守之薦大賢事業異至感
激寧為歡八句美太守也

齷齪當世士

嗣立補注史記貨殖傳其民齷齪

所憂在飢寒但見賤者悲

不聞貴者歎

音難

大賢事業異遠抱非俗觀報國心皎

潔念時涕汎瀾妖姬坐左右柔指發哀彈

選潘安仁笙賦輟張女之哀彈

酒肴雖日陳感激寧為歡秋陰欺

方作蔽

白日泥潦不少

乾

嗣立補注楚辭宋玉九辯皇天淫溢而秋霽兮后土何時而得乾杜子美秋雨歎秋來未曾見白日泥汗后土何時乾

河堤決東

郡

嗣立按胡渭云唐滑州治白馬縣漢時屬東郡也

老弱隨驚湍天意固有屬

一作以誰

能詰

方作語

其端願辱太守薦得充諫諍官排雲叫閭闔

楚辭離騷吾令帝閭闔兮倚閭闔而望予王逸曰閭闔天門也嗣立補注漢司馬相如傳大人賦排閭闔而入帝宮揚雄傳選巫咸兮叫帝閭披腹

呈琅玕致君豈無術自進誠獨難

昌黎先生詩集注卷第二

昌黎先生詩集注卷第三

古詩三十首

河之水二首寄子姪老成

云老成公兄率府軍佐韓介之子也詳見公祭十二郎文

河之水去悠悠我不如水東流我有孤姪在海陬一作

隅古音隅將侯切亦與流通三年不見兮使我生憂日復日夜復夜三

年不見汝使我鬢髮未老而先化

河之水悠悠去我不如水東注我有孤姪在海浦三

年不見兮使我心苦采薇于山詩草蟲陟彼南山言采其薇緡魚于淵

一作泉朱云避唐諱也我徂京師不遠其一作還

山石

山石皴呂角切确音覺行徑微黃昏到寺蝙蝠音蝠飛爾雅蝙蝠服翼

注或謂之仙鼠昇堂坐階新雨足芭蕉葉大支子肥爾立補注蘇頌草木疏芭蕉葉

大者二三尺圍重皮相襲葉如扇生西陽雜俎諸花少六出者惟梔子花六出即西域蒼菊花也梔與支同按老杜詩紅綻雨肥梅肥字本此承上新雨足來

僧言古壁佛畫好以火來照所見稀鋪牀拂席置羹

飯疎糲蘭末切亦足飽我飢列子食則菜糲爾立補注杜子美詩百年粗糲腐儒餐夜深靜

臥百蟲絕清月出嶺光入扉天明獨去無道路出入

高下窮煙霏山紅澗碧紛爛熳云東坡詩云皴确何人似退之意行無路欲從誰宿雲解駁

晨光漏獨見山紅澗碧時皆采公此篇中語也時見松櫬音曆一作櫬皆十圍南都賦楓桺櫬櫬善曰櫬與櫬同

當流赤足蹋澗石水聲激激風吹一作生衣爾立按劉石齡云杜子美早秋苦熱

詩南望青松架短壑安得赤脚踏層冰又醉歌行風吹客衣日杲杲人生如此自可樂豈必局束

爲人鞿漢灌夫傳廷論局趣劾轅下駒楚辭余雖好脩姱以鞿羈兮注韉在口曰鞿前漢刑法志是猶以鞿而御驛突師古曰馬駱頭曰羈

也鞿古羈字嗟哉吾黨二三子安得至老不更歸

爾立按七言古詩易入整麗而亦近平熟自老杜始爲拗體如杜鵑行之類公之七言皆祖此種而中間偏有極鮮麗處不事雕琢更見精采有聲有色自是大家元遺山論詩絕句云有情芍藥含春淚無力薔薇臥晚枝拈出退之山石句始知渠是女郎詩真篤論也

天星送楊凝郎中賀正

爾立補注唐書楊凝字懋功弘農人遷右司郎中宣武董晉表爲判官云公時與同佐董晉幕凝自汴朝正于京以詩送之

天星牢落雞喔音伊楚辭喔伊嚶僕夫起爾立補注李太白雉子班曲喔伊振迅欲飛鳴

餐車載脂詩載脂載牽正當窮冬寒未已借問君子行安之

會朝元正無不至受命上宰須及期侍從近臣有虛

位公今此去歸何時一作何時時歸

汴泗交流贈張僕射建封

王云貞元十五年公在徐州張建封幕汴水徐之西泗水徐之南故以名篇云公集有諫張僕射擊毬書此詩云此誠習戰非為劇豈若安坐行良圖蓋諷之也嗣立補注舊唐書張建封字本立兗州人貞元四年為徐州刺史十二年加檢校右僕射在彭城十年禮賢下士文人如許孟容韓愈皆為之從事

汴泗交流郡城角築一作斬場千步平如削詩九月築場圃短垣三

面繚逶迤嗣立補注西都賦繚以周牆擊鼓騰騰樹赤旗新秋一作兩朝涼

未見日公早結束來何為分曹決勝約前定百馬攢

蹄近相映毬驚杖奮合且離紅牛一作斃纓紱黃金羈曹子

建詩白馬飾金羈吳側身轉臂著馬腹霹靂應手神珠馳子

嗣立補注南史曹景宗傳昔在鄉里騎快馬如龍拓弓弦作霹靂聲箭如餓鴟鳴叫唐王邕內人蹋毬賦毬體方似珠按曹子建白馬篇仰手接飛猱俯身散

馬蹄杜子美詩走馬脫轡頭手中挑青超遙散漫兩閑暇揮霍紛

絲捷下萬仞岡俯身試拳旗詩意本此紆爭變化嗣立補注西京賦跳丸劍之揮霍發難得巧意氣鹿麕嗣立按發難得巧即雉帶箭所

謂將軍欲以巧伏人盤馬彎弓惜不發是也舊注難作去聲引張良發八難解大謬謹聲四合壯士呼此誠

習戰非為劇豈若安坐行良圖當今忠臣不可得公

馬莫走須殺賊

忽忽

忽忽乎余未知生之為樂也漢王褒傳太子苦忽忽善忘不樂願脫去而

無因安得長翮大翼如雲生我身乘風振奮出六合

絕浮塵死生哀樂兩相棄是非得失付閑人

鳴鴈

王云公在徐州與孟東野書有曰去年脫汴州之亂遂來于此主人與余有故居余符離睢水上及秋將辭去云云主人謂建封公在徐鬱鬱不得志見於書與詩者如此云公蓋託鴈以自喻也

嗷嗷鳴一作鴻鴈鳴且飛詩鴻鴈于飛窮秋南去春北歸管子桓公曰鴻

昌黎詩集卷三

鴈春北而秋南不失其時

去寒就暖識所依天長地闊棲息稀風霜酸

苦稻梁微

劉孝標廣絕交論分鴈鶩之稻梁杜子美官池春鴈詩自古稻梁多不足嗣立補注韓詩外傳田饒謂魯哀公曰黃鵠止君園

池豕君稻梁

毛羽一作羽毛

摧落身不肥

嗣立補注應德璉詩毛羽日摧頽

徘徊反顧羣

侶違哀鳴欲下洲渚非江南水闊朝雲多草長沙軟

無網羅閑飛靜集鳴相和違憂懷惠一作息性匪他託何切凌

風一舉君謂何

龍移

王云此詩謂南山湫也湫初在平地一日風雷移居山上其山下湫遂化為土公題炭谷詩云厭處平地土巢

居插天山

天昏地黑蛟龍移雷驚電激

一作擊

雄雌一作雌雄隨

西都賦雷奔電激嗣立補

注史記夏本紀孔甲好方鬼神事天降龍二有

清泉百丈化為土魚鼈枯死吁可

悲

雉帶箭

王云此詩公佐張僕射于徐從獵而作也

原頭火燒

去聲

靜兀兀

唐太宗出獵詩平原燒火紅晉顧愷之傳火燒平原無遺燎

野雉畏鷹

出復沒

方作伏欲沒朱云雉出復沒而射者彎弓不有輕發正是形容持滿命中之巧豪釐不差處改作伏欲神采索然矣

將軍

欲以巧伏人盤馬彎弓惜不發地形漸窄觀者多雉

驚弓滿勁箭加衝人決起百餘尺紅翎白鏃作木切隨傾

斜將軍仰笑軍吏賀五色離披馬前墮

爾雅雉五彩皆備成章曰翬嗣立補

注射雉賦有五色之名翬

嗣立按將軍欲以巧伏人盤馬彎弓惜不發二句無限神情無限頓挫公蓋示人以運筆作文之法也至其全首波瀾委曲細微熨貼王留耕所謂寫物之妙其狀如在目前信然信然

條山蒼

歐本注云中條山在黃河之曲今蒲中也

條山蒼河水黃浪波

一作波浪

泐泐去

嗣立補注杜子美詩泐泐逆素浪

一作高岡

贈鄭兵曹

樽酒相逢十載前君為壯夫我少年樽酒相逢十載後我為壯夫君白首我材與世不相當戢鱗委翅無復望當今賢俊皆周行君何為乎亦一作獨遑遑孟行到君莫停手破除萬事無過酒

桃源圖

嗣立補注陶淵明桃花源記晉太元中武陵人捕魚沿溪行忘路遠近忽逢桃花林夾岸數百步中芳草鮮美落英繽紛前行便得一山山有小口便捨船從口入土地平曠往來種作悉如外人黃髮垂髫怡然自樂見漁人

大驚問所從來具答之要還家設酒殺雞作食村中咸來問訊自云避秦來此乃不知有漢無論魏晉也既出得船詣太守遣人隨往尋之迷不復得路唐地理志朗州武陵郡屬山南道

神仙有無何眇芒

一作渺茫

桃源之說誠荒唐

嗣立補注莊子荒唐之言

流水

盤迴山百轉生綃數幅垂中堂武陵太守好事者

補注漢揚雄傳好事者載酒肴從游學

題封遠寄南宮下南宮先生忻得之波

濤入筆驅文辭文工畫妙各臻極異境恍惚移於斯

架巖鑿谷開宮室接屋連牆千萬日羸顛劉蹶了不

聞

嗣立補注史記秦本紀昔桓翳為舜主畜有土賜姓羸漢高帝紀姓劉氏

地坼天分非所恤種桃

處處惟開花川原近遠

一作遠近

烝紅霞

嗣立補注河圖昆侖山有五色水赤水之氣上烝為

霞蜀都賦舒丹氣而為霞

初來猶自念鄉邑歲久此地還成家漁舟之

子來何所物色相猜更問語

嗣立補注後漢嚴光傳令以物色訪之

大蛇中斷

喪前王

漢書高帝紀夜徑澤中前有大蛇當道乃拔劍斬之蛇分為兩道開後人來至蛇所見一老嫗曰吾子白帝子也化為蛇當道今者

赤帝子

羣馬南渡開新主

晉元帝紀太安之際童謠云五馬浮渡江一馬化為龍帝與西陽汝南南頓彭城五

王獲濟帝竟登大位焉

聽終辭絕共悽然自說經今六百年

嗣立補注

時望氣者云五百年後金陵有天子氣及元帝渡江乃五百二十六年真人之應在于此矣按元帝建武至武帝太元又已六十年曰六百者舉成數也

時萬事皆眼見不知幾許猶流傳爭持酒食來相饋

禮數不同罇俎異月明伴宿玉堂空

嗣立補注楚辭紫貝闕今玉堂吳都賦玉堂對

雷善曰玉堂仙人居也

骨冷魂清無夢寐夜半金雞啁

音啁啾切

鷓鴣鳴而悲鳴

火輪飛出客心驚人間有累不可住依然離

別難為情船開棹進一迴顧萬里蒼蒼煙水暮世俗

寧知偽與真至今傳者武陵人

嗣立按俞瑒云公七言古詩少用對句此篇諸對亦甚奇偉

東方半明

韓云此詩與煌煌東方星與寄頗同蓋指順宗即位不能親政而憲宗在東宮之時也云時賈耽鄭珣瑜二相皆天下重望王叔文用事相繼引去此詩所以喻東方半明大星沒也韋執誼為叔文汲引此詩所以喻獨

有太白配殘月也順宗已厭機政執誼叔文尚以私意更相猜忌此詩所以有嗟爾殘月勿相疑同光共影須

史期也及憲宗立而叔文執誼竄猶東方明而殘月太白滅此詩所以喻殘月暉暉太白睽睽雞三號更五點

也意微而顯誠得詩人之旨

東方半明大星沒

嗣立按劉石齡云詩東方未明

獨有太白配殘月

云太白長庚

西方星故云配月又太白主大臣其號為上公故公有取焉

嗟爾殘月勿相疑同光共影須

史期殘月暉暉太白睽睽

音睽睽天中獨爛也

雞三號

音豪更記雞三

號卒明杜子美詩初鳴度必三

更五點

嗣立補注杜佑通典一夜分五更者以五夜更易為名也顏之推曰五夜謂甲乙丙丁戊也點者以

下漏滴水為名每一更又分為五點也

贈唐衢

魏云衢從退之游舊書附公傳後新書削之舊唐書衢應進士久而不第能為歌詩意多感發見人文章有所傷歎者讀訖必哭涕泗不能已每與人言論既別發聲一號音辭哀切聞者莫不泣下故世稱唐衢善哭左拾遺白居易遺之詩略云賈誼哭時事阮籍哭路岐唐生今亦哭異代同其悲

虎有爪兮牛有角虎可搏兮牛可觸奈何君獨抱奇

材手把鉏犁餓空谷當今天子急賢良音函朝出

開明光舊唐書武后紀垂拱二年命置匭于朝堂有進書言事者聽投之嗣立補注三秦記未央宮漸臺西有桂宮中有明光殿胡不

上書自薦達坐令四海如虞唐

貞女峽

嗣立補注王韶始興記桂陽貞女峽傳曰秦世有數女取螺於此遇風雨一女忽化為石人今形高七尺狀如女子

江盤峽東春湍豪嗣立補注杜子美詩峽東滄江起李太白詩青春流驚湍雷風戰鬪魚

龍逃嗣立補注易雷風相薄懸流轟轟射水府嗣立補注海賦爾其一瀉水府之內極深之庭

百里翻雲濤漂船擺石萬瓦裂咫尺性命輕鴻一作於或作如

毛嗣立補注漢司馬遷傳或輕于鴻毛

贈侯喜

嗣立補注公洛北惠林寺題名云韓愈李景興侯喜尉遲汾貞元十七年七月二十二日魚于温洛宿此而歸

吾黨侯生字叔起古文起字呼我持竿釣温水王云洛水在河南縣北易乾鑿度曰

王者有盛德之應則洛水先温故號温洛平明鞭馬出都門嗣立補注杜子美詩平明上馬入宮門盡日行

行荆棘裏温水微茫絕又流深如車轍闊容輶蝦蟇

跳過雀兒浴嗣立補注埤雅蝦蟇一云蟾蜍或作詹諸此縱有魚何足求我為侯

生不能已盤針擘粒投泥滓阻史切列子詹何以芒針為鉤剖粒為餌晡時堅

坐到一作至黃昏手倦目勞方一起暫動還休未可期蝦

一作

行蛭

音質

渡似皆疑

博物志水蛭三段而成三物漢賈誼傳夫豈從蝦與蛭蟻服度曰蛭水蟲也

舉竿

引線忽有得一寸纔分鱗與鬚

音祈一作鱗鬚通嗣立補注庚子山小園賦一寸二寸之魚禮

記夏右鱗莊子外物篇鶩揚而奮鬚文選上林賦捷鱗掉尾振鱗奮翼郭璞曰鱗背上鬣也

是日侯生與韓子良

久歎息相看悲我今行事盡如此此事正好為吾規

半世遑遑就舉選一名始得紅顏衰人間事勢豈不

見徒自辛苦終何為便當提攜妻與子南入箕潁無

還時

嗣立補注莊子許由逃箕山洗耳於潁水下史記注劉熙曰箕山嵩高之北地理志潁水出陽城漢有潁陽臨潁二縣

叔迨君

今氣方銳我言至切君勿嗤君欲釣魚須遠去大魚

豈肯居沮洳

云蘇東坡記儋耳上元放杖而笑過問何笑曰自笑也然亦笑韓退之釣魚無所得更欲遠去不知走海者未必得大

魚也蓋公作此詩時年三十四去徐居洛方有求官來東洛之語而東坡則晚歲儋耳發於憂患之餘覽者無以為異

古意

嗣立按朱子云此詩本以古意名篇非登山紀事之詩也舊注援引國史補登華山事及沈顏登華旨略聚訟紛紛殊屬無謂今悉刪去

太華峰頭玉井蓮

山海經華山一名太華華山記山頂有池生千葉蓮花服之羽化因曰華山

開花十

丈藕如船冷比雪霜甘比蜜一片入口沈痾

於何切痊

晉樂廣傳沈痾頓愈潘安仁閑居賦嘗膳載加舊痾有痊

我欲求之不憚遠青壁無路難負

緣

嵇叔夜琴賦丹崖嶮巖青壁萬尋嗣立補注杜子美詩應結茅齋看青壁

安得長梯上摘實

嗣立補注杜子美詩

安得萬丈梯為君上上頭

下種七澤根株連

子虛賦楚有七澤其小者名曰雲夢方九百里

八月十五夜贈張功曹

署

嗣立補注公撰張署墓志云署河間人舉進士拜監察御史為幸臣所讒與同輩韓愈李方叔三人俱為縣令

南方二年逢恩俱徙掾江陵半歲邕管奏為判官云是詩徙掾江陵侯命於郴州而作公祭郴州李使君文

云侯新命于衡陽費薪芻于館候輟行謀于俄頃見秋月之三鼓正謂此也

織雲四卷天無河清風吹空月舒波沙平水息聲影

絕一盃相屬之欲切君當歌漢灌夫傳夫迎田蚡過竇嬰及飲酒酣夫起舞屬蚡師古曰屬付也猶今之舞訖相

勸也嗣立補注魏武帝短歌行對酒當歌人生幾何君歌聲酸辭且苦不能聽終淚如

雨嗣立補注詩涕零如雨季洞庭連天九疑高蛟龍出沒猩

鼯號十生九死到官所幽居默默如藏逃下牀畏蛇

食畏藥海氣濕蟄熏腥臊昨者州前槌大鼓嗣皇繼

聖登夔臯赦書一日行萬里罪從大辟皆除死唐書貞元二十

一年正月順宗即位二月甲子大赦天下遷者追迴流者還條瑕蕩垢朝清班州

家申名使家抑云使家謂湖南觀察使坎軻祗一作得移荆蠻楚辭年既已過太半兮然

輜軻而留滯注輜軻不遇也選判司卑官一作不堪說未免捶楚

塵埃間杜子美送高書記詩脫身簿尉中始與捶楚辭云按唐制參軍簿尉有過即受笞杖之刑杜牧之詩云參軍與簿尉塵土驚動勳

一語不中治鞭笞身滿瘡同時輩流多上道天路幽險難追攀君歌且

休聽我歌我歌今與君殊科一年明月一作今宵多人

生由命非由他有酒不飲奈明何嗣立補注李太白詩對酒不肖飲含情欲待誰

謁衡嶽廟一無廟字遂宿嶽寺題門樓

嗣立補注爾雅江南衡郭璞曰衡山南岳地理志衡山在長沙湘南縣南元和郡國志衡岳廟在衡山縣西三十里王云公兩謫南方初自陽山北還過衡在永貞元年八月過潭適當殘秋陪杜侍御遊湘西寺詩云是時秋向殘是也今云我來正逢秋雨節故知此詩是陽山還時作後自潮州還移刺袁州則元和十五年十月蓋未嘗過衡據袁州謝表云去年正月貶授潮州刺史其年十月準例量移云云即自潮徑當來袁又未嘗遇秋雨節時也蘇東坡觀海市詩云潮陽太守南遷歸喜見石廩堆祝融恠言之耳

五嶽祭秩皆三公禮記天子祭天下名山山川注如其秩次望祭之四

方環鎮嵩當中白虎通嵩山夾居四方之中故曰嵩嗣立補注周禮正南曰荊州其山鎮曰衡山火維地荒

秀野州堂

足妖怪天假神柄專其權嗣立補注徐靈期南岳記衡山者朱陵之靈臺太靈之寶洞上承翼軫鈐總萬

物故名衡山下踞離宮統攝火帥故號南岳赤帝館其巔祝融宅其陽噴雲泄霧藏半腹雖有絕頂

誰能窮杜子美望嶽詩會當凌絕頂一覽衆山小我來正逢秋雨節陰氣晦昧

無清風潛心默禱若有應豈非正直能感通詩神之聽之正直是

與須臾靜埽衆峰出仰見突兀撐青空杜子美青陽峽詩突兀猶趁人紫

蓋連延接天柱石廩騰擲堆祝融嗣立補注長沙記衡山七十二峰最大者五芙蓉紫

蓋石廩天柱祝融為最高杜子美望嶽詩祝融五峰尊峰峰次低昂然蓋獨不朝爭長業相望森然魄動下馬拜

松柏一作桂一逕趨靈宮粉牆丹柱動光彩鬼物圖畫填

青紅升階偃僂薦脯酒欲以菲薄明其衷廟令一作內老

人識神意睢盱偵丑鄭切伺能鞠躬手持盃玦導我擲孫

唐韻玦盃玦也以玉為之嗣立補注程大昌演蘇露問卜于神有器名盃玦以兩蚌殼投空擲地觀其俯仰以斷休咎後人或用竹或用木斲如蛤形而中分

為二亦名盃玦野廟之巫未必力能用玉當是擇蚌殼瑩白者為之因附玉為名凡今珠璣璠瑒字雖從玉其實蚌屬也云此最吉餘

難同竄逐蠻荒幸不死衣食纔足甘長終史記扁鵲傳長終而不得返

侯王將相望久絕嗣立補注史記陳涉世家王侯將相寧有種乎神縱欲福難為功

夜投佛寺上高閣星月揜映雲腫徒東切臃力東切潘安仁

而含光注腫臃欲明也猿鳴鐘動不知曙嗣立補注謝靈運溪行詩猿鳴誠知曙谷幽光未顯杲杲寒

日生於東詩杲杲出日禮記大明生於東

响嘯山

山海經衡山一名响嘯山朱云响嘯者衡山南麓別峰之名今衡山實無禹碑此詩所記蓋當時傳聞之誤故

其卒章自為疑詞以見微意劉禹錫寄呂衡州温亦云嘗聞祝融峰上有神禹銘古石琅玕姿祕文螭虎形蓋

亦得於傳聞也倒薤書見歐公集古錄目唐玄度十體書王云東坡中隱堂詩云响嘯何須到韓公浪自悲謂

此詩也

响

音矩 音縷

山尖神禹碑

盛洪之荆州記南岳周旋數百里高四千一十丈昔禹登而祭之因夢玄夷使者遂

獲金簡玉字之書南嶽記夏禹導水通瀆刻石書名山之高

字青石赤形摹奇科斗拳身薤

倒

一作葉

披 王惜文字志科斗古篆也以其頭麤尾細類水蟲之科斗焉倒薤書者小篆體也垂支濃直若薤葉也魏都賦華蓮重葩而倒披

驚飄鳳泊拏龍螭

嗣立按劉石齡云杜子美贈汝陽王詩筆飛鸞聳立章罷鳳騫騰又八分小篆歌蛟龍盤拏肉屈強書斷

龍拏虎踞

事嚴跡秘鬼莫窺道人獨上偶見之我來咨

嗟涕漣漣

嗣立補注王仲宣詩涕淚漣漣

千搜萬索何處有森森綠樹猿

孫

一作啼

悲

永貞行

嗣立補注舊唐書順宗紀貞元二十一年正月癸巳德宗崩丙申即位風病不能聽政以王伾為右散騎常侍王叔文為戶部侍郎度支鹽鐵轉運使事無巨細皆決于二人物論喧雜四月冊皇太子八月冊為皇帝改貞元二十一年為永貞元年貶王伾為開州司馬王叔文為渝州司戶元和元年正月上太上皇尊號

君不見太皇亮陰未出令

書說命王宅憂亮陰三祀

小人乘時偷國柄

嗣立補注唐書王叔文以棋待詔直東宮王伾始以書待詔入太子宮侍書順宗立不能聽政深居施帷坐以牛昭容宦人李忠言侍側羣臣奏事從帷中可其奏叔文因伾因忠言因昭容更相依仗伾主傳受叔文主裁可乃授之中書叔文每言錢穀者國大本操其柄可因以市士乃白用杜佑領度支鹽鐵使已副之實專其權 北軍百萬虎與貔 音毗書牧摠如虎如貔 天子自將非他師

一作 一朝奪印付私黨

嗣立補注舊唐書王叔文傳叔文在省署引其黨與竊語謀奪內官兵柄以故將范希朝統京

西北諸鎮行營兵馬使韓泰副之

慄慄朝士何能為狐鳴梟噪爭署置

楚辭

鴟梟羣而制之嗣立補注史記陳涉世家夜篝火狐鳴

賜

式亦切

跳

音迢 梁相媼

音眉嗣立補注吳都賦忘其所以睽賜說文睽覘視也賜疾視也杜子美詩白狐跳梁黃狐立上林賦媼媚媼弱埋蒼媼媚悅也舊唐書王叔文傳叔文司兩

使利柄齒于外朝愚智同曰城狐山鬼必夜號窟居以禍福人亦神而畏之一旦晝出路馳無能必矣

夜作詔書朝拜官

超資越序曾無難公然白日受賄賂火齊

音劑 磊魯猥切 落

堆金盤

選西都賦翡翠火齊流耀含英嗣立補注杜子美詩火齊堆金盤演繹露太平寰宇記云天竺有火齊如雲母而色紫裂之則薄如

蟬翼積之則紗縠之重據此即老杜誤以火齊為珠也舊唐書任與叔文及諸朋黨之門車馬填湊而任門尤盛珍玩賂遺歲時不絕室中為大櫃開一竅以藏金寶其妻元臣故老不敢語書臥涕泣何沈瀾嗣立補注唐書鄭珣或寢卧於上

瑜傳王叔文一日至中書見韋執誼直吏白方宰相會食百官無見者叔文恚叱吏吏走入白執誼起就閣與叔文語珣瑜與杜佑高郢輟饗以待頃之吏白二公同飯矣珣瑜喟曰吾可復居董賢三公誰復惜漢董賢傳哀帝此乎命左右取馬歸臥家不出

賢封賢為高安侯欲極其位遂以賢為侯景九錫行可歎音灘南史侯大司馬衛將軍是時賢年二十二為三公棟詔自加九錫嗣立補注韓詩外傳一車馬二衣服三虎賁四樂器五納陛六朱戶七弓矢八鈇鉞九拒鬯謂之九錫也國家功高德

且厚天位未許庸夫干嗣皇卓犖信英主文如太宗武高祖膺圖受禪登明堂共流幽州鯨死羽書流共工于幽州殛鯨于

數君匪親豈其朋郎官清要為世稱荒郡迫野嗟可羽山嗣立按本集江陵途中寄三學士詩嗣皇傳冕旒首罪誅共受語與此同四門肅穆賢俊登書宿于四門

矜舊唐書九月貶韓泰撫州刺史司封郎中韓曄池州刺史禮部員外郎柳宗元邵州刺史屯田員外郎劉禹錫連州刺史坐交王叔文也湖波連天

日相騰鬩俗生梗瘡癘烝江氛嶺侵昏若凝一蛇兩頭見未曾嗣立補注賈誼新書孫叔敖為嬰兒出游見兩頭蛇而埋之列女傳亦云怪鳥鳴喚一作爭鳴令

人憎嗣立補注爾雅怪鴟郭璞曰即鴟鴟也今江東通呼此屬為怪鳥蠱蟲羣飛夜撲燈雄虺楚辭雄虺九首史記草無毒螫

毒螫音釋亦作蝥隋股肱楚辭雄虺九首史記草無毒螫食中置藥肝心崩左右使令詐難憑慎勿浪信常兢兢吾嘗同僚情可勝嗣立

按劉石齡云左傳文公七年同官為寮吾嘗同寮敢不盡心乎蔡寬夫詩話子厚禹錫於退之最厚善然退之貶陽山不能無疑赴江陵途中寄三學士云同官盡才俊偏善柳與劉或慮語言泄傳之落冤讎二子不宜爾將疑斷還不及其為永貞行憤疾至云數君匪親豈其朋又曰吾嘗同僚情可勝則亦見其坦夷尚義待朋友始終也具書目見非妄徵韓云公先以言事出為陽

嗟爾既往宜為懲嗣立按此詩前半言小人放逐之為快後半言數君貶謫之可矜蓋為劉柳諸公也舊注專指夢得似未必然然夢得貶連州而公曾令陽山以具書目見句為證于義亦通姑存其說以俟考

秀野州堂

洞庭湖阻風贈張十一署

嗣立補注郭璞山海經注長沙巴陵縣西有洞庭陂潛伏通江水經注湖水廣圓五百餘里日月若出沒其中王云永貞元年自陽山徙掾江陵十月過洞庭湖作或云赴陽山時非也公江陵途中詩敘初赴陽山云春風洞庭浪而此詩首云十月陰氣盛可知其非矣

十月陰氣盛北風無時休
選古詩孟冬寒氣至北風何慘慄嗣立補注杜子美詩烈風無時休 蒼
 茫洞庭岸與子維雙舟霧雨晦爭泄波濤怒相投犬
 雞斷四聽糧絕誰與謀相去不容步險如礙山丘清
 談可以飽夢想接無由男女喧左右飢啼但啾啾非
 懷北歸興何用勝羈愁雲外有白日寒光自悠悠能
 令暫開霽過是吾無求

李花一作李 贈張十一署

江陵城西二月尾花不見桃惟見李風揉而由切雨練雪
 羞比波濤翻空杳無涖君知此處花何似白花倒燭
 天夜明羣雞驚鳴官吏起金烏海底初飛來嗣立補注張衡靈憲

日陽精之宗積而成烏烏有三趾隋孟康詠日詩金烏升曉氣唐太宗詩紅輪不暫駐烏飛豈復停
選江文通恨賦鬱青霞之奇意 迷魂亂眼看不得照耀萬樹鱗如堆念昔
 少年著遊燕對花豈省曾辭盃自從流落憂感集欲
 去未到先思迴祇今四十已如此後日更老誰論哉
 力攜一罇獨就醉不忍虛擲委一作隨黃埃

杏花

居鄰北郭古寺空杏花兩株能白紅曲江滿園不可
 到嗣立補注司馬相如哀二世賦臨曲江之墜洲注曲江在杜陵西北五里寰宇記曲江池漢武帝所造其水曲折有似廣陵之江故名康駢劇譚錄

曲江開元中疏鑿為勝境其南有紫雲樓芙蓉苑其西有杏園慈恩寺花卉環周煙水明媚

看此寧避雨與風二

年流竄出嶺外

云公出為陽山凡二年至是始為掾江陵

所見草木多異同冬

寒不嚴地恒泄陽氣發亂無全功浮花浪藥鎮長有

纔開還落瘴霧中山榴躑躅少意思

本草注躑躅樹生高三四尺花似山石榴或云

一名山石榴

照耀黃紫徒為叢鷓鴣鉤輞

張流切

猿叫歇

嶺表記鷓鴣自呼云

鉤輞李羣玉詩又聽鉤輞格磔聲

杳杳

一作深谷攢青楓豈如此樹一來翫

若在京國情何窮今旦胡為忽惆悵萬片飄泊隨

西東明年更發

一作花發

應更好道人莫忘鄰家翁

孫云道人謂寺僧

感春四首

我所思兮在何所情多地遐兮徧處處東西南北皆

欲往千江隔兮萬山阻

孫云張平子四愁詩我所思兮在大山欲往從之梁甫艱我所思兮在桂林欲往從之湘

水深我所思兮在漢陽欲往從之隴阪長我所思兮在鴈門欲往從之雪紛紛公句意蓋取此

日照屋百鳥語三盃取醉不復論

嗣立按劉石齡云季太白詩三盃通大道杜子美詩乘舟

一生長恨奈何許

古樂府奈何許石闕生口中銜碑不得語

皇天平分成四時

楚辭宋玉九辯皇天平分四時兮

春氣

一作風

漫誕最可悲雜

花糝林草蓋地

嗣立補注丘希範與陳伯之書暮春三月江南草長雜花生樹羣鶯亂飛

白日座上傾

天維

西京賦振天維注維綱也王云傾謂傾側風動而然一云天維謂春光照灼如維帶之張舉也

蜂喧鳥咽留不

得紅萼萬片從風吹

嗣立補注杜子美詩一片花飛滅却春風飄萬點正愁人

豈如秋霜雖

慘冽

選西京賦冰霜慘冽

摧落老物誰惜之

晉書宣帝嘗疾張皇后往省帝曰老物可惜又曰老物不足惜

嗣立按劉石齡云周禮籥祭章祭蜡以息老物

為此徑須沽酒飲自外天地棄不疑

近憐李杜無檢束爛漫長醉多文辭

嗣立補注李太白詩處世若大夢胡為勞其生

所以終日醉頹然卧前楹又一尊齊死生醉後失天地杜子美詩誰能更拘束爛醉是生涯

屈原離騷二十五

樊云漢藝

文志屈原賦二十五篇蓋離騷經一九歌十一天問一九章九遠遊卜居漁父各一凡二十五篇也

不肯舖奔謨切

吸糟與

醜呂支切楚辭屈原漁父章何不舖其糟而飲其醜

惜哉此子巧言語不到聖處寧

非癡嗣立補注魏略太祖時禁酒而人竊飲之故難言酒以白酒為賢人清酒為聖人

幸逢堯舜明四目畫明四目

條理品彙皆得宜平明出門暮歸舍酌酤馬上知為

誰酤酤用山簡事見卷二歸彭城詩注方云按公歸彭城詩遇酒即酤酤公知我為誰即此義也

朝騎一馬出暝就一牀臥詩書漸欲拋節行久已情

冠欹感髮禿語誤悲齒隋孤一作辜負平生心已矣知李本作如

何奈荆公本作那

我恨不如江頭人長網橫江遮紫鱗嗣立補注蜀都賦鮮以紫鱗獨宿

荒陂射鳧鴈賣納租賦官不嗔歸來歡笑對妻子衣

食自給寧羞貧今者無端讀書史智慧只足勞精神

畫蛇著陟略切足無處用史記楚惠王使柱國昭陽將兵攻齊陳軫謂昭陽曰昔人有遺其舍人一卮酒者舍

人相謂曰數人飲此不足以徧請有畫地為蛇蛇先成者飲之一人曰吾蛇先成舉酒而起曰吾能為之足者及為足而後成人奪其酒而飲之或曰蛇固無足今為之足非蛇也

兩鬢雪白趨埃塵乾愁漫解坐自累與眾異

趣誰相親數盃澆腸雖暫醉皎皎萬慮醒還新百年

未滿不得死且可勤買一作置拋青春蘇東坡云退之詩百年未滿不得死且可勤買拋青

春國史補云酒有郢之富春烏之若下春滎陽之土窟春富平之石凍春劍南之燒春杜子美亦云聞道雲安麴米春纔傾一琖便醺人近世裴劍作傳奇記裴航事亦有酒名松醪春乃知唐人

名酒多以春則拋青春亦必酒名也

寒食日出遊公自注張十一院長見示病中憶花九篇寒食日出遊夜歸因以投贈

國史補外郎遺補相呼為院長蔡云公與張署同自御史貶官又同為江陵掾公法曹參軍張功曹參軍元和元年也嗣立補注荆楚歲時記去冬時一百五日即有疾風甚雨謂之寒食

李花初發君始病我往看君花轉盛走馬城西惆悵

秀野州堂

歸不忍千株雪相映邇來又見桃與梨交開紅白如
爭競可憐物色阻攜手空展霜縑吟九詠紛紛落盡

泥與塵不共新粧比端正嗣立補注文選劉公幹詩桐華最

晚今已繇禮記月令季春之月桐始華君不强起時難更關山遠別固

其理寸步難見始知命憶昔與君同貶官夜渡洞庭

看斗柄豈料生還得一處引袖拭淚悲且慶各言生

死一作死兩追隨直置心親無貌敬念君又署南荒吏張

墓志邕管奏署為判官路指鬼門幽且復舊唐書地理志容州北流縣南三十里有兩石相對其間闊三十步俗號鬼門

關諺曰鬼門關十人九不還三公盡是知音人曷不薦賢陛下聖蔡邕獨

下者羣臣不敢指斥天子故呼在陛下者因卑達尊之義也囊空甑倒誰救之杜子美詩囊空恐羞

郭林宗傳孟敏客太原荷甑隨地不顧而去我今一食日還併禮記儒行儒自然憂

氣損天和安得康強保天性斷鶴兩翅鳴何哀繫陟立切

驥四足氣空橫戶孟切今朝寒食行野外綠楊市岸蒲生

一作迸宋玉庭邊不見人嗣立補注王逸楚辭序宋玉屈原弟子唐余

在城北三里故哀江南賦云誅茅宋玉之宅穿徑臨江之府老杜云曾聞宋玉宅每欲到荊州是也輕浪參差魚動鏡

自嗟孤賤足瑕疵特見放縱荷寬政飲酒寧嫌餒底

深南史桑乂在江總席上曰雖深盞百罰吾亦不辭也嗣立補注杜子美詩百罰深盃亦不辭題詩尚倚筆鋒勁

鮑明遠擬古詩兩說窮舌端五車摧筆鋒明宵故一作欲相就醉有月莫愁當火令

嗣立補注周禮司烜仲春修火禁于國中注季春將出火也司烜掌行火之政

令鄭玄注鄒子曰春取榆柳之火又時則施火令魏武帝明罰令云聞太原上黨西河鴈門冬至後百五日皆絕火寒食朱云此言夜行有月故不憂當寒食禁火之令耳

憶昨行和張十一一作和張十一憶昨行

憶昨夾鍾之呂初吹灰禮記仲春之月律中夾鍾擇元日命民社後漢律歷志候氣之法為室三重布緹縵木為

案內庫外高加律其上以葭葦灰抑其內端按歷候之氣至者灰去嗣立補注上注漢律歷志夾鍾言陰夾助大族宣四方之氣而出種物也位于卯在二月

公禮罷元侯迴洪云上作杜謂杜佑自淮南入朝也方云上作杜謂荆然左傳五行之官封為上公祀為貴神其土正曰后土在家則祀中雷在野則為社故杜注用幣于社云以請于上公則上公即社神也况此句內又自以元

侯為對邪車載牲牢甕鼻酒並召賓客延鄒枚嗣立補注謝惠連雪賦召鄒生延枚

腰金首翠光照耀嗣立補注洛神賦帶金翠之首飾

絲竹迴發清以哀

青天白日花草麗玉笋屢舉傾金壘選劉孝標廣絕文論露玉竿之餘瀝詩我姑酌彼金

張君名聲座所屬朱六切起舞先醉長松摧嗣立補注世說山公曰嵇叔夜

宿醒未解舊疴失廉切作晉劉伶傳五斗解醒嗣立補注

深室靜臥聞風雷自期殞

命在春序屈指數日憐嬰孩危辭苦語感我耳淚落

不揜何漼漼士回切集韻漼雪霜積聚貌選陸士衡祭魏武帝文指季豹而漼焉注漼涕泣垂貌

渡湘一作湖水大帆夜劃窮高桅五回切陽山鳥路出臨武公責云

連之陽山令張為柳之臨武柳在江南連則廣南也杜回切三館本作踐蛇杜回切三館本作踐蛇杜回切三館本作踐蛇

如蠱不擇死忽有飛詔從天來伍音文未揃子踐切崖一作剪

州熾說文揃滅也史記西南夷贊揃割分二方索隱曰揃謂被分割也嗣立補注舊唐書王叔文越州山陰人貶渝州司戶明年誅之王伍杭州人

愁猜近者三姦悉破碎羽窟無底幽黃能魏云能有兩音奴來切者三足

鼈也奴登切者熊屬足似鹿者也左傳殛鯀于羽山其神化為黃熊以入于羽淵國語作黃能當音賢能之能然東海人祭禹廟不用熊白及鼈為饌疑鯀化為二物則兩音

眼中了了見鄉國知有歸日眉方開今君

縱一作從署天涯吏嗣立按寒食詩念君又署南荒吏語與此同注已見前

投檄北去何難哉

無妄之憂勿藥喜嗣立補注易无妄之疾勿藥有喜

一善自足禳千災頭

輕目朗肌骨健古劍新斲磨塵埃殃銷禍散百福併

從此直至者與鮒

音台一作耆詩行葦黃耆台背鄭氏云台之言鮒也人老則背有鮒文

嵩山東頭

伊洛岸勝事不假須穿栽

一作栽

君當先行我待滿沮

子魚切

溺可繼窮年摧

他回切一作催韓云禮記月令天子三推三公五推卿大夫九推推字取此云公家河南而嵩山伊水洛水

並隸焉詩意欲與張耦耕於嵩山下也

昌黎先生詩集注卷第三



